



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de**  
**Antverpiae, 1664**

Promoemivm.

**urn:nbn:de:hbz:466:1-13517**

## PARS III.

*Ostenditur quomodo omnibus rerum euentibus,  
acquiescendum sit.*

## TRACTATVS IX.

Sit nomen Domini benedictum, à sæculo & usque in sæculum; quia sapientia & fortitudo eius sunt, & ipse mutat tempora, & ætates: transfert regna atque constituit: dát sapientiam sapientibus, & scientiam intelligentibus disciplinam. *Dan. 2.*

*Agitur quomodo calamitates cladesque publicæ aspi-  
cienda sint, ut per eas non turbemur.*

## PRO O E M I V M.



Mnia iam vt credo complanata sunt, quæ Diuinæ Prudentiæ rationes, mirabilesque anfractus & dispositiones, vt cumque scabrosas reddebant & difficiles. Illud enim primò ostendimus, quām sapienti concinnoque ordine, orbem vniuersum digesserit Deus, finem suum vt consequeretur; suam inquam gloriam, hominumque utilitatem & salutem. Deinde quām sancte scelera permittantur, ne libero hominis arbitrio Deus officiat, considerauimus, & verò permitti debuisse ipsimet iudicauimus. Denique admirabilem illam tum geniorum, tum etiam fortunarum varietatem, mundo gubernando

nando necessariam prorsus fuisse, ratione convicti fassi sumus; victique Diuinæ Prudentiæ manus dedimus. Illud itaque consequens est, vt illi penitus totique acquiescamus, nullisque rerum euentibus perturbemur. Id quidem generatim est perfacile; ad rem vero cum peruenitur perdifficile. Omnia quæ Diuina statuit Prudentia, facile approbamus, præter ea quæ nos concernunt: reliqua quæ toto aguntur mundo, quieti aspicimus; nostra nos perturbant, quia tangunt proprius. Agite ergo, & hæc quidem quæ generatim de Diuinâ Prudentiâ dicta sunt, rerum euentibus, quos quotidie intuemur, applicemus posthac. Ostensuri porrò sumus, quō pacto inter assidas rerum agitationes, quibus nos ipsi circumvoluimus, quietis tamen tranquillissimæ esse liceat. Et quia ea quæ nos tangunt mala, in duplice sunt differentiæ; ac primò quidem communia, ea nempe quæ Républicam, cuius nos partes sumus, concernunt; deinde priuata quæ nos ipsos spectant: illa tantum modò persequemur, artemque expediemus, quæ non Patriæ tantum clades & miseras, sed ruinam ipsam & interacionem, sine perturbatione magnâ videamus, inter ruinas ipsius securi, quia quieti.

## §. I.

*Proponuntur præcipue querimoniae, quibus circa publicarum rerum eventus solent homines inquietari.*

*Res mortales semper in peius abeunt, et iam cum quiete sit t.*

**I**N immensum pelagus iam nos immegimus: perturbationum inquam Oceanum ingredimur, nihil præter procellas, furentesque ventos pertractaturi. Felicem tamen exitum mihi pollicor, illo auspice & gubernante qui fecit *pondus ventis*, quique cum exorbitant, *ventis & mari imperat*, & confessim obediunt ei. Res mortales omnes, totamque humanæ societatis machinam, mare esse quis negauerit, quod nunquam non mouetur, nunquam placidum est & tranquillum, nisi cum vel ipsa malitia perniciosa est, vel cum tempestas horrenda incubat præforibus, cuius quasi prodromus & præuentius sit ipsa tranquillitas. Sic est; nunquam cum rebus nostris bene agitur, nisi ut male confessim sit; numquam quiete fruimur, nisi aut eâ quæ noceat,

*Job 18.  
Luc 6.*

*aut*